

ТОШКЕНТ ҲАҚИҚАТИ

1928 йил 11 декабрда асос солинган

Тасвирий тарғибот: ФАРОВОН ҲАЁТ КЎЗГУСИ

Чирчиқ шаҳрида вилоят ҳокимлиги ҳамда "Тасвирий ойна" ижодий уюшмаси ҳамкорлигида Республика кўргазмали семинари ташкил этилди. Халқ билан мулоқот ва инсон манфаатлари йилида бажарилиши режалаштирилган устувор вазифаларга бағишланган кўргазмали семинар иштирокчилари ишни вилоятимиздаги улкан бунёдкорлик ва ободончилик ишлари билан танишишдан бошлашди.

Анжуман

Икки кун давом этган анжуман иштирокчилари вилоятдаги sanoat korxonalari, sport inshootlari, ta'lim va madaniyat maskanlarida бўлдilar. Уларда, айниқса, Урта Чирчиқ туманида жойлашган Ўзбекистон Республикаси Президентининг вилоятдаги Халқ қабулхонаси фаолияти, "Максам Чирчиқ" қўшма корхонасидаги замонавий ишлаб чиқариш жараёнлари, Чирчиқ шаҳридаги Меҳрибонлик уйида тарбияланувчилар учун яратилган шарт-шароитлар, Зангиота зиёратгоҳида амалга оширилган бунёдкорлик ва ободонлаштириш ишлари катта таассурот қолдирди. Вилоятда ижтимоий ва иқтисодий, сиёсий, маънавий-маърифий соҳаларда амалга оширилаётган кенг қўламли ислохотлар билан аҳоли кўргазмали тарғибот воситалари ёрдамида атрофича таништириб борилаётгани ижобий баҳоланди.

Давоми 2-бетда.



Мансур ХИММАТОВ олган сурат.

Кучли фуқаролик жамияти сари

Азалдан шундай: яхши кунларимизда ҳам, бошимизга бирор ташвиш тушганда ҳам кўни-қўшнига таянамиз. Таъбир жоиз бўлса, ёшлар қалбига меҳр-оқибат, аҳиллик, тинчлик, ватанпарварлик каби эзгу тушунчалар маҳаллада сингади.

ҲАММАМИЗ МАҲАЛЛАДА ЯШАЙМИЗ

Этироф этиш кераки, мустақиллик йилларида маҳалла институтининг нуфузини ошириш нафақат ижтимоий-иқтисодий, балки сиёсий, тарбиявий ва улкан маънавий аҳамиятга эга бўлган устувор вазифа сифатида белгиланиб, мамлакатимизда фуқаролик жамиятини ривожлантиришда унинг ишончли таянч ва таъсирчан куч бўлиб хизмат қилиши учун зарур шарт-шароитлар яратиш бўйича кенг қўламли чора-тадбирлар амалга оширилди.

Бунинг натижасида маҳалла ноёб, дунёда ўхшаш бўлмаган тузилмага айланди, фуқаролар ўзини ўзи бошқариш органларининг ижтимоий-сиёсий ва ижтимоий-иқтисодий ислохотларни чуқурлаштириш жараёнида фаол иштирок этиши учун мустақам замин яратилди. Ўзбекистон Республикаси Президентининг 2017 йил 3 февралдаги "Маҳалла институтини янада такомиллаштириш чора-тадбирлари тўғрисида"ги Фармони фуқароларнинг ўзини ўзи бошқариш органлари фаолияти самардорлигини ошириш, маҳалла институтини аҳолига энг яқин ва халқчил тузилмага айлантириш, фуқаролар йиғинларининг муштарак манфаатларини фойда этадиган уюшмага бирлаштириш, фуқароларнинг рўёбга чиқариш, уларнинг моддий-техника базасини мустақамлаш ҳамда давлат органлари ва фуқаролик

жамияти институтлари билан ўзаро ҳамкорлигини янада ривожлантиришда алоҳида аҳамиятга эга бўлди.

– Давлатимиз раҳбарининг Фармони фуқаролар ўзини ўзи бошқариш органларининг фаолиятида янги босқични бошлаб бергани шубҳасиз, – дейди "Маҳалла" хайрия жамоат фонди вилоят бўлими раиси Ҳасимжон Ҳамидов. – Ушбу ҳужжат билан тасдиқланган комплекс чора-тадбирларда жойларда маҳаллаларни халқнинг чинакам маслакдоши ва кўмакдошига айлантириш, жамиятимизда ўзаро ҳурмат, меҳр-оқибат ва ҳамжихатлик муҳитини шакллантиришда, миллий ва умуминсоний қадриятларни асраб-авайлаш ҳамда ривожлантиришдаги аҳамияти ва нуфузини янада ошириш, ёшларни маънавий бой ва жисмонан соғлом қилиб тарбиялаш, уларнинг бандлигини таъминлаш, аҳолининг эҳтиёманд қатламларини, кекса авлод вакиллари ни ижтимоий қўллаб-қувватлаш каби устувор йўналишлар белгилан берилди. Ушбу чора-тадбирларнинг амалга оширилиши фуқароларнинг ўзини ўзи бошқариш органлари зиммасидаги вазифаларни самарали бажариши, уларнинг фаолиятини мувофиқлаштириш, давлат органлари ва фуқаролик жамияти институтлари билан ўзаро ҳамкорлигини янада мустақамлашга хизмат қилади.

Давоми 2-бетда.

Мардлар кўриқлайди, Ватанни!

Ўз халқи ва Ватанига ҳамиша содиқ бўлишга қасамёд қабул қилиш – ҳар бир аскар ҳаётидаги энг унутилмас ва ҳаяжонли воқеадир.

ЮРТГА САДОҚАТ ТИМСОЛИ



Ангрэн шаҳрида Президентимиз Шавкат Мирзиёевнинг 2016 йил 21 декабрдаги "Ўзбекистон Республикаси фуқароларини мuddатли ҳарбий хизматга навбатдаги чақируви ҳамда белгиланган хизмат мuddатларини ўтаб бўлган ҳарбий хизматчиларни Куролли Кучлар резервига бўшатиш тўғрисида"ги Қарорига мувофиқ ташкил этилган қасамёд маросимидан кенг жамоатчилик вакиллари, ота-оналар, "Янги Ангрэн" иссиқлик электр станцияси масъул ходимлари ҳамда ҳарбийлар иштирок этди.

Унда таъкидланганидек, мамлакатимиз Куролли Кучлари тизимида амалга оширилаётган ислохотлар профессионал миллий армиямизни шакллантиришда асосий омил бўлиб хизмат қилмоқда. Ҳарбий қисм ва муассасаларда яратилган шарт-шароитлар, ҳарбийларга берилаётган имконият ва имтиёзлар йиғитларнинг соҳага бўлган қизиқиш ва интилишини янада юксалтирмоқда.

– Ўғлим қисқа вақтда бошланғич ҳарбий кўникмаларга эга бўлиб, бугун командирлари, дўстлари ва кенг жамоатчилик олдида Ватанимизга, халқимиз ва Президентимизга доимо садоқатли бўлишга қасамёд қилганидан чексиз faxр-

ландим, – дейди аскар онаси Замира Бекмуродова. – Ҳарбий қисмда фарзандларимизнинг конституциявий бурчинини аъло даражада ўташи, яшаши, чуқур билим олиши, маънавий ва жисмоний чиниқиши учун барча шарт-шароит яратиб берилганидан мамнун бўлдик. Биз, оналар фарзандларимиз Ватанга садоқат ташкил этилган қасамёд маросимидан, мардлик ва жасорат мактабида тобланаётганидан, мамлакатимиз тинчлиги, сарҳадларимиз дахлсизлигини таъминлашдек шарафли вазифани бажараётганидан ҳамиша гурурланамиз.

Доимо сергак, мард аскар бўлишга аҳд қилган жасур ўғлонлар сафида хоразмлик Оғабек Эргашев ҳам бор.

– Бугун ҳаётимда унутилмас воқеа бўлди, – дейди Оғабек. – Сафдошларим қатори Ватанга садоқат билан хизмат қилиш учун қасамёд қилдим. Юртимиз ооийишталиги, сарҳадларимиз дахлсизлигини сақлаш учун бор куч-ғайратимни сафарбар этаман.

Тадбирда янграган куй-кўшиқлар рақсларга уланди. Бундай маросимлар вилоятимиз ҳудудида жойлашган бошқа ҳарбий қисмларда ҳам тантанали равишда ўтказилмоқда.

Ўз мухбиримиз.

ЭЛГА ЯРАШГАН ЭЗГУ ҚАДРИЯТ

Халқимиз азал-азалдан байрамларни, кутлуғ кунларни ўзгача тайёргарлик билан қаршилайди. Аввало, кўча ва гузарларни, хонадон ва ҳовлиларни тартибга келтириш, умуман, тозалик ва орасталикни бош масала қилиб белгилайди. Кун сайин яқинлашаётган улуг айём – Наврўзи олам арафасида халқимизнинг ана шу эзгу анъанаси умумхалқ ҳашари кўринишида бутун республикада кенг қўламли ўтказилди.

Умумхалқ хайрия ҳашари

Вилоятимизда ҳам умумхалқ хайрия ҳашари кўтаринки кайфиятда, уюшқоқлик билан ўтди. Барча туман ва шаҳарлардаги қишлоқлар, маҳаллалар, ташкилот ва муассасалар бу жараёнда фаол иштирок этди. Ҳашар кунлари худудларни ободонлаштириш ва кўкаламзорлаштириш билан бирга, ногиронлар, ёлғиз қариялар, боқувчисини йўқотган, ижтимоий ҳимояга муҳтож оилаларнинг уй-жойлари таъмирлаб берилди.

"Маҳалла" хайрия жамоат фондининг вилоят бўлими маълумотларига кўра, 2 миллион 110 мингга яқин фуқаро иштирок этган умумхалқ ҳашарида қарийб 5 минг гектарга яқин майдонда ободонлаштириш ишлари амалга оширилди. 7 минг 250 тоннадан зиёд чиқинди

қайта ишлашга топширилди.

Шунингдек, "Яхшидан боғ қолади", деган нақлга амал қилган ҳолда вилоятимиз аҳли томонидан ҳашар кунлари 3 миллиондан ортиқ мевали ва манзарали дарахт ва 2 миллиондан ортиқ гул кўчатлари экилди. Бундан ташқари, икки ярим миллиондан ортиқ дарахтга шакл берилиб, оқланди. 2 минг 633 километр узунликдаги ариқ-зовурлар, лотоклар тозаланиб, зиёратгоҳ ва қабристонлар тартибга келтирилди.

Ижтимоий ҳимояга муҳтож оилаларга кўмак бериш ва ёлғиз қарияларнинг моддий рағбатлантириш учун 148 миллион сўмга яқин хайрия маблағлари йўналтирилди.

Ҳашар кунлари маҳалаларда 10 дан зиёд



римга совға ҳозирлашни диллимага тугиб юрган эдим, – дейди қибрайлик тадбиркор Шавқиддин Ҳамдамов. – Айни байрам арафасида янги, замонавий маиший хизмат кўрсатиш биномизнинг очилиши орзуларимиз ижобати бўлди.

Бу каби эзгу қадриятларимиз фуқароларимиз орасида меҳр-оқибат туйғулари янада мустақамлашга ҳисса қўшиши билан ҳам қадрлидир. Зеро, одамлар дарди билан яшаш асл инсонийлик мезонидир.

Фарҳод ТОЛИПОВ, "Тошкент ҳақиқати" мухбири.



ДАРВОЗАСИЗ «БОЗОР»НИНГ АЖАБ САВДОЛАРИ

Ҳар бир нарсга, хусусан, интернетнинг ҳам ўзига хос яратилиш тарихи бор. Кўп маротаба ёзилган бўлса-да, шу ҳақда қисқача тўхталишга қарор қилдик. Маълумотларга кўра, интернет ўтган асрнинг 60-йилларида ҳарбий бўлимлар ўртасида узлуксиз алоқани таъминлаш, махфий маълумотларни тезкор ва хавфсиз узатиш мақсадида ишлаб чиқилган. Кейинчалик бу хизматдан фуқаролик институтлари, бошқача айтганда, оддий юридик ва жисмоний шахслар ҳам фойдаланиши мумкин, деган хулосага келинган.

Маънавият

Ўтган йиллар давомида интернетни бошқариш ва такомиллаштириш бўйича туб ўзгаришлар юз берди. Мультимедиа тизимининг тарқоқ компьютерларини ягона

тармоққа бирлаштиришнинг такомиллашган усули яратилди. World wide web – дунё ўргимчак тўри тарзида ифодаланган бу усул интернетни оммавий ахборот воситасига

айлантирди, ахборот технологиялари, радиоэшиттириш ва телекоммуникация имкониятларини мислсиз кенгайтди. Шу йўсида интернет нафақат маттни,

балки сурат ва расмларни, товуш ва видеотасвирларни ҳам узатишга қодир воситага айланди.

Ундан фойдаланувчилар сони ҳайратланарли даражада ўсиб, усиз ҳаётни тасаввур этиш қийин бўлиб қолди.

Турли компьютер, ноутбук ва нетбуکلardan ташқари, мобил телефон орқали тармоққа кириш имкониятлари кенгайгани ва тезлашгани, унга жойлаштирилаётган

материалларнинг қўллиги ва хилма-хиллиги, wi-fi тизими жадал суратда ривожланиб бораётгани бу жараёнда фаоллаштиришда. Тошкент шаҳридаги айрим автобусларда жорий этилган ана шу хизматни кенг татиқ этиш режаси ишлаб чиқилган. Ҳадемай, жойлардаги ёқилги қўйиш шахобчалари ва бекатларда ҳам ундан текин фойдаланиш мумкин бўларкан.

Давоми 3-бетда.

Ушухабар

МЕТАЛЛ КОНСТРУКЦИЯ ЗАВОДИ ҚУРИЛАДИ

Иқтисодиёт ва sanoat ҳамда ишлаб чиқаришни ривожлантиришда ташқи ҳамкорлик алоқалари муҳим ўрин тутди. "Ангрэн" эркин иқтисодий ҳудуди ва DAL Teknik Makina Tigaret Ve Sanayi Anonim Sirketi компанияси ўртасида имзолаган ҳамфикрлик меморандуми ҳам соҳа ривожига хизмат қилиши шубҳасиз.

Меморандумга кўра, "Ангрэн" эркин иқтисодий ҳудудининг Охангарон sanoat блоккида металл конструкциялар ишлаб чиқарувчи завод барпо этилади. Ушбу лойиҳа Ўзбекистонга sanoatда ишлаб чиқарувчи тайёр металл конструкциялар импортини анча камайтиришга имкон беради.

Дастлабки қиймати 10 миллион долларни ташкил этадиган мазкур лойиҳа доирасида қурилиши режалаштирилган заводнинг умумий майдони 6 гектарга яқин.

Феруза ТўРАЕВА.

Реклама ўрнида

ПАРКЕНТ ХТМФМТ ва ТЭ
бўлими ҳамда таълим ва фан,
маданият ходимлари касаба
уюшмаси туман кенгаши

юртдошларимизни шарқона
Янги йилнинг бошланиш палласи

Наврўзи олам

шодиёнаси билан
самимий табриклайди!
Хайрли ишларингизга
ривож, оилангизга
бахт ва фаровонлик
ёр бўлсин, азизлар!

«PARKENT» МСНҲ

юртимиз аҳлини

Наврўз байрами

билан табриклайди!

Бошланаётган Янги кун
дастурхонимизга қут-барака,
юртимизга янада файз ва
фаровонлик олиб келсин!

«OLMOS

ME'MORI» ХК

ватандошларимизни
яшариш ва янгилашни айёми

Наврўзи олам

билан самимий
муборакбод этади!

«SHODLIK FAYZ BIZNES»

халқимизни миллий ва
ардоқли байрам –

Наврўз
айёми

билан самимий қутлайди!